



Na osnovu člana 2.9 stav (1) tačka 9, a u vezi sa članom 9.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10, 18/13 i 7/14) i člana 65. Uputstva o postupku provedbe posrednih izbora za organa vlasti u Bosni i Hercegovini obuhvaćenim Izbornim zakonom BiH („Službeni glasnik BiH“, broj 38/14), Centralna izborna komisija Bosne i Hercegovine je na 12. sjednici, održanoj 09.02.2015. godine, donijela

## **O D L U K U**

### **o utvrđivanju rezultata posrednih izbora za predsjednika i potpredsjednike Federacije Bosne i Hercegovine**

(1) Centralna izborna komisija Bosne i Hercegovine utvrđuje rezultate posrednih izbora za predsjednika i potpredsjednike Federacije Bosne i Hercegovine, i to:

- a) Čavara Marinko, izabran je za predsjednika Federacije Bosne i Hercegovine,
- b) Mahmutbegović Melika, izabrana je za potpredsjednicu Federacije Bosne i Hercegovine i
- c) Dunović Milan, izabran je za potpredsjednika Federacije Bosne i Hercegovine.

(2) Ova odluka stupa na snagu danom donošenja i objavit će se 09.02.2015. godine u 19,00 sati na web stranici Centralne izborne komisije Bosne i Hercegovine [www.izbori.ba](http://www.izbori.ba), i smatrat će se da je danom objavljivanja ista dostavljena svim učesnicima u ovom izbornom procesu.

## **O b r a z l o ž e n j e**

Centralna izborna komisija Bosne i Hercegovine je odlukom broj: 06-1-07-3-100/15 od 04.02.2015. godine ovjerila kandidatsku listu predlagača kluba delegata bošnjačkog naroda, kluba delegata hrvatskog naroda i pet delegata kluba srpskog naroda u Domu naroda Parlamenta Federacije Bosne i Hercegovine za izbor predsjednika i potpredsjednike Federacije Bosne i Hercegovine i to:

- a) Čavara Marinko, kandidat za predsjednika Federacije Bosne i Hercegovine,
- b) Mahmutbegović Melika, kandidatkinja za potpredsjednika Federacije Bosne i Hercegovine i
- c) Dunović Milan, kandidat za potpredsjednika Federacije Bosne i Hercegovine.

Parlament Federacije Bosne i Hercegovine je na sjednici Predstavničkog doma, održanoj dana 09.02.2015. godine i na sjednici Doma naroda, održanoj dana 09.02.2015. godine, donio odluku PFBiH, broj 01,02-05-230/15 o izboru predsjednika i potpredsjednike Federacije Bosne i Hercegovine, koju je dana 09.02.2015. godine dostavio Centralnoj izornoj komisiji Bosne i Hercegovine zajedno sa kompletnom dokumentacijom.

Centralna izborna komisija Bosne i Hercegovine je nakon uvida u cjelokupni dostavljeni materijal utvrdila da je ponovljeni postupak za izbor predsjednika i potpredsjednike Federacije Bosne i Hercegovine proveden u skladu sa članom 9.15 Izbornog zakona Bosne i Hercegovine.

Odredbom člana 9.15 Izbornog zakona Bosne i Hercegovine je propisano da u slučaju da zajednička lista prezentirana od strane Predstavničkog doma Parlamenta Federacije BiH ne dobije potrebnu većinu u Domu naroda Parlamenta Federacije BiH, ova procedura će se ponoviti. Ukoliko, u ponovljenoj proceduri, zajednička lista koja dobije većinu glasova u Predstavničkom domu Parlamenta Federacije BiH bude ponovno odbijena u Domu naroda Parlamenta Federacije BiH, ta zajednička lista smatrat će se izabranom.

Imajući u vidu da su ispunjeni svi zakonski uslovi za utvrđivanje rezultata izbora za predsjednika i potpredsjednike Federacije Bosne i Hercegovine, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 9.15 Izbornog zakona Bosne i Hercegovine i člana 65. Uputstva o postupku provedbe posrednih izbora za organa vlasti u Bosni i Hercegovini obuhvaćenim Izbornim zakonom BiH, odlučila kao u dispozitivu ove odluke.

**PRAVNA POUKA:** Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Broj: 05-1-07-1-109/15  
Sarajevo, 09.02.2015. godine

